

Hong Kong School Drama Festival 2009/10
Synopsis & Script of School Play with "Adjudicators' Award"

二零零九至二零一零年度香港學校戲劇節
「評判推介演出獎」得獎學校劇目資料



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

Name of School : HO DAO COLLEGE (SPONSORED BY SIK SIK YUEN)
學校名稱 : 齋色園主辦可道中學
Name of Play 劇名 : 如果愛·有下次
Script writer 劇作者 : 夏寶盈

For adaptation works, please specify: 如屬改編劇本請填寫：

Name of Original Work 原著作品名稱 : _____
Original Author 原作者姓名 : _____
Name of Adaptor 改編者姓名 : _____

Synopsis 故事大綱:

一次突如其來的意外，令一個美滿的家庭步入分離疏落的困境。雖然互相愛惜，但沒有好的溝通，終招致不可挽回的遺憾。故事講述獨力養大一對子女的媽媽由甚麼都不懂至養大孩子，但因工作卻沒有照顧到孩子心靈所需，劇情帶出父母與子女缺乏溝通而造成不必要的誤會，並非每一次誤會都有補救的機會。” 如果愛有下一次，你又會否願意再做我的兒子？” ” 如果愛有下一次，您會否作我的母親？” ，故事就是這樣延續下去……

Script 劇本:

第一幕

(左台姨家；右台本家；前台街景)

(前台)

姨：我對面屋呀方師奶呀，好忙咖嘛，咁我咪幫下佢手睇住對女囉。你知啦～ 細路仔無飯食好慘咖嘛！ 嘩！咩味咁勁？！ 呀！死喇我唔記得我未熄火呀！我唔講喇 拜拜

(姨離台)

(放學鐘聲)

(損友一、二，心兒出)

(演員閒聊，自由發揮)

友一：(搭心兒膊頭) 喂，下星期家長日點呀，你呀媽今年會唔會黎咖？

友二：問咩丫～ 問黎都晒氣啦，年年都唔黎咖啦

友一：你又咪咁衰，可能今年有例外呢

心兒：佢要返工……唔知有無時間黎

Hong Kong School Drama Festival 2009/10
Synopsis & Script of School Play with “Adjudicators’ Award”

二零零九至二零一零年度香港學校戲劇節
「評判推介演出獎」得獎學校劇目資料



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

友二：搞錯呀，見家長咁大件事請日假都唔得？！ 你呀媽緊唔緊你咖？

心兒：關你咩事，我走喇，天日見啦！

友一：喂喂喂，咪走住，有好野益你。 津津屋企人就去晒旅行，不如我地上佢度玩啦！

友二：去啦，到時玩咩都得啦！

心兒：嗯…… 我問下呀姨先啦

友二：車～ 佢係你隔離屋咋，你估真係呀姨咩？！

心兒：咁我都要同家姐講咖

友一：哎呀！ 佢家姐好煩咖

友二：唔駛驚！ 等我教條絕世好橋過你… （咬耳仔）

心兒：咁…咁我諗下先啦， 走喇

朋友：拜拜

（幕起）

（台左：三女在沙發看電視聊天）

（姐在旁，溫書）

心兒：呀姨我放學喇

姨：（從廚房探頭）心兒返黎喇，食得飯喇～

各人：（走去飯桌）哦～

姐：呀姨駛唔駛幫手呀？

姨：得喇，食得喇，咁妳幫手裝飯啦。

（芷慧過去幫忙）

姨：呀～ 芷慧真係乖，識幫手做家务。



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

慧：呀姨，邊係呢，辛苦您就真。

大女：媽咪快啲啦，套劇就開始喇！ 細妹快啲幫媽咪拾野啦！

細妹：知道喇家姐（過去一齊幫手）

（各人圍坐食飯）

姨：（夾餸給慧，心兒）食多啲啦，唔駛客氣咖

慧：（腩腆）多謝呀姨

姨：芷慧讀書讀成點呀？ 辛唔辛苦呀？

慧：今年畢業學期係比較多野做，但自己分配好時間溫書都唔算辛苦嘅

姨：芷慧真係生性，妳呀媽真係有福氣嘞 （對自己女兒講）妳地呀，學下姐姐啦，唔好成日讀書都嗰辛苦

心兒：呀姨黎緊有考試，我想夜晚去自修室，我諗唔過黎食飯喇

姨：係嘞，你地學校考試咖喇嘞，嘉嘉，點解唔見係溫習嘅？

嘉嘉：（撒嬌地）媽咪我有呀！不過啲書頁頁都咁多字，睇到人頭昏腦漲咋嘛……（音量漸細）

姨：呀！次次同親妳講讀書呢，實有藉口咖嘞 （轉向心兒）嘉嘉嘅學校乖嘛？ 有無曳呀？

心兒：（望嘉一眼，頑皮一笑，轉向姨）無呀～嘉嘉都好乖

姨：（瞪一眼嘉嘉質疑）

嘉嘉：（可憐的撒嬌表情）

姨：好喇食飯啦

（轉向大女）：唔好掛住睇電視啦，夾多兩舊餸啦，你最鍾意嘅紅燒排骨呀

（大女掛住睇電視）

（姨夾俾大女）

（大女自顧自扒飯）

Hong Kong School Drama Festival 2009/10
Synopsis & Script of School Play with “Adjudicators’ Award”

二零零九至二零一零年度香港學校戲劇節
「評判推介演出獎」得獎學校劇目資料



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

姨：妳睇下妳，食緊咩都唔知，淨係掛住睇電視

大女：(傻笑) 我梗係知啦！ 媽咪最拿手嘅生炒排骨丫嘛！ 仲好食過酒樓果啲呀， 我仲要夾多兩舊添呀！

姨：無你咁好氣 (扒飯)

(慧，心兒見景，羨慕)

慧：呀姨我地食飽喇

姨：食飽就返去抖下早啲訓啦

女們：媽咪我幫你執碗丫！

慧：呀姨我都幫你執埋野先啦

心兒：咁我返過去沖涼先喇

(心兒由台左至台右)

(拿衣服，由右離台)

(慧回家)

(心兒進台、上床睡覺)

(慧繼續溫習)

(慧、心兒發揮)

(母回家)

母：芷慧仲未訓呀？

慧：係呀，媽咪

(母過去看熟睡的心兒，回房)

(心兒起身，執行裝)

慧：心兒，你做咩呀？

心兒：呃，無，無咩呀，我遲啲有 camp 呀……

慧：CAMP？ 咩 CAMP 呀？ 無講你提過既？ 通告呢？

Hong Kong School Drama Festival 2009/10
Synopsis & Script of School Play with “Adjudicators’ Award”

二零零九至二零一零年度香港學校戲劇節
「評判推介演出獎」得獎學校劇目資料



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

心：戲劇學會啲 CAMP 咋嘛！ 不嬲都無通告咖啦

慧：下？！ 咁有咩人去咖？ 有無男仔呀？

心：咪又係平時果班～ 唔係男就女咖啦

慧：咁媽咪知唔知咖？

心（開始扯火）：佢？！ 知唔知都無所謂咖啦！ 佢 咁 忙！

慧：咁忙都要話聲佢知姐下丫？！ 咪喇，我天日打返學校問下先喇

心：你咪問囉！

（心兒睡）

慧：我訓咖喇～

（一會，心兒爬起床）

心兒（打電話給損友）：津津呀，我搞掂喇

津：咁快手嘅？！ 仲以為你又唔黎添！

心兒：哎，你咪問咁多野啦

津：咁你快啲啦，等你咖喇

心：咁我到你樓下 call 你

〈第一幕完〉

第二幕

黑衣人清姨家

台左街景

台右本家

（母進台）

Hong Kong School Drama Festival 2009/10
Synopsis & Script of School Play with “Adjudicators’ Award”

二零零九至二零一零年度香港學校戲劇節
「評判推介演出獎」得獎學校劇目資料



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

母：芷慧，做乜間房亂晒咖？ 心兒呢？

慧：唔知呀… 佢好似話去 camp 呀

母：去 camp？去咩 camp 呀？ 打極電話都無人聽呀 去左邊先得咖？

慧（仍未睡醒）：佢琴晚話去戲劇學會啲 camp 咖喎…

媽：去 camp 連回鄉證都要帶咖咩？！

慧：但係細妹琴晚明明話入 camp 咖喎…… 呀！我見倒佢執野，佢好似俾我嚇左一跳咁呀

媽：（等唔切）仲講？！ 快啲搵返心兒啦… （拎野衝出街）

（慧跟及）

（母, 慧往台左）

（呀姨正逛街）

姨：方師奶～ 咁岩嘅～ 係度做咩呀？

母：（不予理會，掛住搵心兒）

姨：方師奶咩事呀？！

母：我個女唔見左呀！

姨：下！你唔駛驚咖，我地一齊搵一定搵倒咖！

（三人繼續尋找）

（母突然不支暈倒）

（母撲過去扶起母）

（救護車聲）

醫生：點解咁唔小心咖？

姨：咩事呀醫生？

醫生：透過病人嘅報告分析，病人情況唔太樂觀，就算依家排期，要等到適合嘅肝臟捐贈者嘅機會都幾微……

Hong Kong School Drama Festival 2009/10
Synopsis & Script of School Play with “Adjudicators’ Award”

二零零九至二零一零年度香港學校戲劇節
「評判推介演出獎」得獎學校劇目資料



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

姨：咁即係點呀… 醫生？

醫生：（清喉嚨）病人家屬同朋友最好做定心理準備啦…

（本家轉醫院景）

（母躺在醫院床上，姨坐旁）

（台左亮燈）

（母醒）

姨：你醒喇

母：我點解黎左喱度咖？ 心兒呢？

姨：芷慧已經搵緊佢咖喇，點解你唔講俾我地知

母：芷慧一個人點搵倒，我地快啲出去啦…

姨：（截住母）你知唔知會死咖！

母（不理姨，落床想搵心兒）：唔得呀，我要搵返心兒先…

姨：咁你都要顧住自己丫

母：唔理得咁多呀，心兒係出面有咩事咁點算？！

（姨追住喝住媽）

（心兒頹然到海邊）

（母、姨過街景，尋心）

母：（見心兒. 激動上前）心兒，你去左邊呀？ 你做咩唔返屋企？

心：行開啦～ 唔駛你理呀

母：有咩事返屋企先講啦，乖啦

心：唔返呀！ 你好煩！

Hong Kong School Drama Festival 2009/10
Synopsis & Script of School Play with “Adjudicators’ Award”

二零零九至二零一零年度香港學校戲劇節
「評判推介演出獎」得獎學校劇目資料



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

母：你以前明明好乖咖，做乜依家變成咁咖！

心：以前？ 你都識講以前啦，以前呀爸未死你夠唔係咁啦！

母：咁， 咁以前呀爸係度有人養丫嘛！ 依家呀媽要出去做野咖喇

心：咁又點呀？！ 呀姨唔駛做野呀？！

母：呀姨點同，呀姨份係長工丫嘛。 我知你鍾意飲湯，我已經叫呀姨煲多啲湯俾你飲咖喇

心：你知唔知我同家姐睇住人地一家人圍住食飯，咁溫馨，我地有幾唔舒服呀？！ 你有無諗過我地嘅感受呀？！

母：其實（欲言又止） 唔係咁咖…唔係咁咖…

（慧趕至）

心兒：咁係點呀，你根本一啲都唔錫我呀！ 人地問我點解回條係家姐簽，唔係媽咪簽呀，你叫我點答呀？！

慧：心兒點解你咁唔生性呀？ 呀媽要返工賺錢咖

心兒：咁又點呀？ 人地呀媽唔駛返工咩？ （對家姐）妳話我地一年見倒佢幾多次呀

慧：你睇下搞到丟架，返屋企先講啦，快啲走啦
（拉心兒）走呀

〈第二幕完〉

第三幕

（本家飯桌 setting）

（心兒，姐飯桌 stand by）

part 1

（母搓麵粉@cc）

母：老豆呀，以前心兒好鍾意食我整 ge 糖不用咖，每次佢唔開心我就會整黎返佢，次次呀，佢都實笑返，仲要笑到露出佢左兩隻門牙 ge 窿，個傻女真係好得意咖
果陣你岩岩走，心兒扭我計要食糖不用，唉，我邊有心情整丫.. 點知個傻女猛咁扭我，要我教

Hong Kong School Drama Festival 2009/10
Synopsis & Script of School Play with "Adjudicators' Award"

二零零九至二零一零年度香港學校戲劇節
「評判推介演出獎」得獎學校劇目資料



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

佢整,, 你知 d 細路仔一扭起計上黎幾難對付咖啦,, 點知個傻女竟然話: 媽咪,, 心兒要學識整糖不用,, 心兒都想媽咪笑返,, 食完糖不用就會笑返咖喇媽咪!
你話唉,, 以為佢人仔細細,, 唔知屋企發生咩事,, 原來最懂 ge 就係佢老豆呀,, 以前心兒真係好乖咖... ..

part 2

母 (端餸出來): 食飯喇

(各人沈默食飯)

母: 呀~ 我整左甜品呀, 我拎返出黎丫

母: 心兒你最鍾意食糖不用咖喇, 我夾俾你丫

心兒: (攸) 飯都未食, 食乜鬼糖水呀?!

(門鐘聲)

(姐開門)

姨: 食飯呀? 方師奶我拎左啲野黎俾你呀

姐: 咁我返過去食飯先, 你地慢慢傾

(母走過去)

姨: 你見點呀? 身體有無好啲? 你去左排期未呀?

母: 細聲啲呀! 唔可以俾佢地兩姐妹聽倒咖.....

姨: 咁點得咖

母: 我無乜事咖喇, 麻煩你幫我打點一下, 我陣間仲要返工

姨: (大聲左) 你又返工呀?

(心兒凝視母)

母: 哎... 我 其實我今日請左幾個鐘假, 諗住煮餐飯俾佢地食, 我唔返去開工老闆會炒左我咖...



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

(心兒與母目光交接)

〈第三幕完〉

第四幕

(姨家 飯桌台中)

(演員圍坐飯桌吃生果)

慧：咦？ 點解好似咁多日都唔見媽咪嘅？

(姨 面有難色)

心兒：慣咖啦，平時有幾可見到佢丫？

慧：呀姨，您知唔知媽咪去左邊呀？

姨：嗯……

心兒：問咩丫，佢去左邊都一樣咖啦～ 有咩分別？ 佢有錢俾我地咪得囉

姨：你點可以咁講咖？ 你知唔知你呀媽幾仆心仆命爲你呀？！ 佢一個人呀，做幾份工，捱得咁辛苦，依家捱到有病呀！都係想你地過得好啲，你依家咁講你呀媽，你有無良心咖？！

(心兒沈默不語)

慧：呀姨，咩事呀？

姨：下，無野無野，食多兩舊餸啦

慧：呀姨，你係咪知道啲咩呀？

姨：我唔講得咖，你呀媽話唔俾得你地知咖

慧：呀姨你講啦

心兒：我地乜都唔知就最好！ 無興趣知呀！

姨：你呀媽有肝病呀！ 佢就黎死喇！你有興趣未呀？

慧：呀姨件事究竟係點咖？

Hong Kong School Drama Festival 2009/10
Synopsis & Script of School Play with “Adjudicators’ Award”

二零零九至二零一零年度香港學校戲劇節
「評判推介演出獎」得獎學校劇目資料



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

姨（信交給慧）：你地自己睇喇…

（慧拆信）

（場外 live）

媽：芷慧，心兒，媽媽其實一直都好錫你地。

自從爸爸過左身，我就要出去做野照顧唔倒你地咁多，其實每晚我都好想抽時間同你地傾下計，聽下你地學校有咩趣事，聽下你地有咩心事；

雖然每晚收工返黎已經精疲力盡，你地都訓晒，但係摸下你地個頭，睇住你地訓覺個樣我就覺得好幸福，無論捱得幾辛苦都係值得 ge…

呀媽無用，呀爸走左之後一直俾唔倒好既生活你地，依家仲搞到咁，不過我已經幫你地開左個聯名戶口，仲有間屋都轉左名。

仲有呀，你地學費都唔需要擔心，之前呀媽幫你地供既基金已經夠你地大學畢業咖喇。你地以後生性做人，唔好學壞，咁呀媽就安落咖喇…

心兒（倔強，但眼淚快奪眶而出）：點解佢份人咁咖？點解可以咁唔負責任咖？ 連自己身體都唔理！

慧：呀姨，媽咪係邊呀？

姨：佢係醫院喇

慧：心兒我地行啦

〈第四幕完〉

第五幕

（台中醫院景）

（媽躺於床，慧、心兒、姨圍坐床沿）

（spot light + 童年 vo）

（亮燈，回到當下）

姨：你地唔好咁擔心啦，方師奶份人咁好，一定吉人天相咖

慧：呀姨你都辛苦左成晚喇，你不如返去抖下啦，喱度有我地得咖喇

姨：得咖喇，得咖喇，你地都累啦，我落去買啲野俾你地食先啦

Hong Kong School Drama Festival 2009/10
Synopsis & Script of School Play with “Adjudicators’ Award”

二零零九至二零一零年度香港學校戲劇節
「評判推介演出獎」得獎學校劇目資料



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

慧：不如我去啦，呀姨你恰陣先啦

（慧離台）

（母醒）

姨：方師奶，你醒喇，方師奶

母：（頭痛）係呀，（驚訝）心兒，點解你嘍度嘅？

姨：佢地知道晒喇…

呀芷慧咁耐都未返嘅？ 我去搵下佢先

（姨離場）

母：心兒…

心兒：點解你份人會係咁咖？！ 點解你可以完全唔理下我地嘅感受咖？！ 你估留低晒啲錢，一個人躲埋就得咖喇？！

母：對唔住呀心兒，呀媽都係無辦法先咁做咖咋

心兒：咩叫無辦法呀？ 有病係應該諗點去醫，你依家算點？ 等死呀？

母：哈，我仲可以點？… 我個病無辦法咖喇，醫生都話左啦…要等倒合適嘅肝臟簡直就係奇蹟呀！唔通我仲留嘍度負累你地呀！

心兒：我已經決定要做近親配對，我決定左要捐一半肝俾你

母：唔得咖！心兒你聽呀媽講，我無事咖，你唔駛理呀媽咖

心兒：到依家你仲死撐啲咩呀？

母：你仲咁細個，你點可以做嘢D手術咖，我唔准呀

心兒：咁你係咪要我睇住我呀媽死我都唔理呀？ 你可以唔顧我地感受，但我唔可以呀！
（別過身）

母：（含淚 低頭 懊悔）心兒…

（母伸手）

（心兒回過身，牽住母親）

Hong Kong School Drama Festival 2009/10
Synopsis & Script of School Play with “Adjudicators’ Award”

二零零九至二零一零年度香港學校戲劇節
「評判推介演出獎」得獎學校劇目資料



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

〈第五幕完〉

第六幕

（畢業場）

（慧與友穿畢業袍拍照）

（姨代母出席）

姨（拿著相機）：笑得開心啲，係喇係喇，今日你畢業喇嘛

慧：真係好多謝你呀…呀姨

（心兒挽著母出）

（慧大喜，過去挽母）

慧：媽咪您黎喇？

母：大個女喇… 大個女喇…

（一家人合照）

（一家人與姨合照）

（定格）

心兒：如果愛有下次，我地一定要好好珍惜。

〈全劇終〉